

БАЁННИНГ КЎЧИРМА НУСХАСИ

Давлат харидлари соҳасидаги шикоятларни кўриб чиқиш бўйича комиссия йиғилишининг 8-СОН БАЁНИ

Тошкент шаҳри

2023 йил “22” июнь

Раислик қилди:

Иқтисодиёт ва молия вазирлиги ҳузуридаги
Ғазначилик хизмати қўмитаси раиси ўринбосари –
комиссия раиси ўринбосари- М. Атаджанов

Қатнашдилар:

Давлат харидлари соҳасидаги шикоятларни
кўриб чиқиш бўйича комиссия аъзолари

Таклиф этилганлар:

Бувайда туман 2-сон касб-хунар мактаби
вакиллари, “Butcher” МЧЖ, “Plumb line” МЧЖ ва
Балиқчи тумани Мактабгача ва мактаб таълими
бўлими мутахассислари, “Azboa-uz” МЧЖ, Жиззах
вилоят кўзи ожизлар кутубхонаси вакиллари

Давлат харидлари соҳасидаги шикоятларни кўриб чиқиш бўйича комиссия
йиғилишининг кворуми – ____ %. Йиғилиш видео конференция шаклида ўтказилди.

КУН ТАРТИБИ

1. Давлат харидлари соҳасидаги шикоятларни кўриб чиқиш бўйича
комиссияга келиб тушган “Butcher” ХКнинг 2023 йил 9 июндаги 14 сонли
мурожаатида кўтарилган масалалар муҳокамаси.

2. Давлат харидлари соҳасидаги шикоятларни кўриб чиқиш бўйича
комиссияга келиб тушган “Plumb line” МЧЖнинг 2023 йил 26 майдаги 0505-26/1
сонли мурожаатида кўтарилган масалалар муҳокамаси.

3. Давлат харидлари соҳасидаги шикоятларни кўриб чиқиш бўйича
комиссияга “Azboa-uz” МЧЖнинг *Президент веб сайти* орқали келиб тушган 2023
йил 20 майдаги 61624-с/23-сон, 2023 йил 10 майдаги 57325-с/23-сон, 2023 йил 25
майдаги 63985-с/23-сон ва 2023 йил 27 майдаги 64823-с/23-сонли мурожаатида
кўтарилган масалалар муҳокамаси.

Кун тартибидаги 1-масала юзасидан.

Комиссия котиби С.Маманазаров сўзга чиқиб, мурожаат муаллифи “Butcher”
ХКнинг мурожаатида кўтарилган масалалар билан иштирокчиларни таништирди.

Унга кўра:

Бувайда туман 2-сон касб-хунар мактаби томонидан 2023 йил 25 майдаги 262864-сонли лот рақами билан ўтказилган энг яхши таклифларни танлаш савдолари жараёнларида:

харид комиссияси ҳаракатларида рақобат ва холислик тамойилларига риоя этилмаганлиги;

харид комиссияси томонидан тендер талабларига тўлиқ жавоб берадиган таклиф тақдим этилганига қарамай асоссиз паст баҳолангани;

мурожаат муаллифи буюртмачи томонидан асоссиз сабаблар билан паст балл қўйилганлиги баён этилган ва Комиссиядан мазкур масалани кўриб чиқилишида амалий ёрдам сўралган.

Шундан сўнг “Бувайда туман 2-сон касб-хунар мактабининг вакиллари сўзга чиқиб бир қанча саволларга жавоб беришди. Ҳусусан:

Ўтказилган танлашда мурожаатчининг таклифи рад этилмагани, танлаш ҳужжатлари талабларига жавоб бермагани сабабли кам балл тўплаганлиги;

Мурожаатчи танлаш натижаларига кўра заҳира ғолиб деб топилганлиги;

агарда ғолиб иштирокчи шартнома тузишдан бош тортса, мурожаатчи билан шартнома имзоланиши мумкинлигини маълум қилишди.

Ўзбекистон Республикасининг “Давлат харидлари тўғрисида”ги Қонунининг (кейинги ўринларда-Қонун) 32-моддасида баҳолаш мезонларига ва тартиб-таомилларига тааллуқли қоидалар белгиланган бўлиб унга кўра давлат буюртмачиси томонидан белгиланадиган давлат хариди шартларида **иштирокчиларнинг таклифларини баҳолаш мезонлари, уларнинг нисбий қиймати, баҳолаш тартиб-таомиллари доирасида баҳолаш мезонларини қўллаш тартиби** бўлиши кераклиги белгиланган.

Йиғилиш давомида Комиссия аъзолари томонидан давлат харидлари электрон тизимидан олинган маълумотлар асосида ушбу танлаш савдоларида иштирокчиларнинг таклифларини қайси мезонларга кўра баҳоланганлиги сўралганда буюртмачи вакили томонидан асосли жавоблар берилмади.

Мисол учун: Танлаш савдоларида 5-мезонга инсофсиз ижрочиларининг ягона реэстрига киритилмаганлиги тўғрисида кафолат хати тақдим қилиш талаби киритилган (энг юқори балл этиб-10 балл белгиланган).

Инсофсиз ижрочиларининг ягона реэстрига киритилганлиги тўғрисидаги маълумотларни олишда махсус ахборот портали орқали барча учун эркин ва бепул фойдаланиш имкониятини таъминланган бўлсада, мазкур талаб бўйича иштирок этган иштирокчилар турлича баҳоланган («Butcher» ХК-8-балл, “Nano volt biznes” МЧЖ-10 балл)

Йиғилиш давомида таклиф этилган вакиллар томонидан билдирилган фикр ва ахборотлар Комиссия аъзолари томонидан тўлиқ тингланди.

Кун тартибидаги 2-масала юзасидан.

Комиссия котиби С. Маманазаров сўзга чиқиб, мурожаат муаллифи – “Plumb line” МЧЖнинг мурожаатида кўтарилган масалалар билан йиғилиш иштирокчиларини таништирди.

Унга кўра:

Балиқчи тумани Мактабгача ва мактаб таълими бўлими томонидан 23110012260719 лот рақами билан “мактабларнинг том қисмларига ёнғинни пасайтирувчи кимёвий суюқлик билан ишлов бериш хизмати” юзасидан ўтказилган танлашда харид комиссияси томонидан мурожаатчини асоссиз важлар билан харид жараёнларидан дисквалификация қилинганлиги;

Мурожатчи асоссиз равишда техник шартларнинг 5-мезони мутахассислиги бўйича махсус сертификатга эгалиги талабига жавоб бермаганлиги сабабли танлашдан четлатилганлиги;

Харид ҳужжатларида техник шартларнинг ҳеч қандай баҳолаш мезонлари йўқлиги;

Андижон вилояти ғазначилик хизмати бошқармаси Давлат харидлари соҳасидаги шикоятларни кўриб чиқиш бўйича комиссиянинг қарори қабул қилингунга қадар танлаш натижаси бўйича қабул қилинган қарорни ва шартномани рўйхатдан ўтказиш жараёнини тўхтатиб туриш сўралганлиги;

харид комиссияси томонидан баҳолаш мезонларига риоя этилмаганлиги рақобат ва ҳолислик тамойиллари бузилганлиги баён этилганлигини маълум қилган.

Маълумот учун: Комиссия ишчи органи томонидан 02.06.2023 йилда Балиқчи тумани Мактабгача ва мактаб таълими бўлимига мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат хати йўлланган. Бироқ мазкур мурожаатга жавоб хати Комиссияга келиб тушмаган.

Балиқчи тумани Мактабгача ва мактаб таълими бўлими вакили юқорида келтирилган эътирозларга жавобан қуйидагиларни маълум қилди:

мурожаатчи томонидан Ёнғинга қарши курашиш хизмати томонидан бериладиган махсус сертификат тақдим этилмаганлигинини;

харид комиссиясининг қарорлари қонун талаблари асосида қабул қилинганини;

мурожаатчи тендер ҳужжатларида талаб этилган ҳужжатларни тақдим қилмаганлиги сабабли танлаш савдоларидан четлатилганлигини маълум қилди.

Йиғилиш давомида Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг Андижон вилояти ҳудудий бошқармаси томонидан 2023 йил 8 июндаги №1002/02-02 сонли хати Комиссияда мавжуд бўлиб, мазкур хатда Балиқчи тумани Мактабгача ва мактаб таълими бўлими томонидан 260719-лот рақами билан ўтказилган танлаш савдолари буюртмачи томонидан ихтиёрий бекор қилинганлиги баён этилган.

Йиғилиш давомида Комиссия аъзолари томонидан мазкур ҳолатлар ўрганилиб чиқилди ва таклиф этилган томонларнинг вакиллари билдирилган фикр ва мулоҳазалар тўлиқ тингланди.

Кун тартибидаги 3-масала юзасидан.

Комиссия йиғилиши кун тартибининг навбатдаги масаласи юзасидан “Azboavuz” МЧЖ вакили сўзга чиқиб 2023 йил 20 майдаги 61624-с/23-сон мурожатида келтирилган эътирозларини комиссия аъзоларига маълум қилди. *(Ушбу эътирозлар мурожаатчининг шикоят хатида ҳам қайд этилган).*

Хусусан:

Жиззах вилоят кўзи ожизлар кутубхонаси томонидан **257722** лот рақами билан китоблар сотиб олиш юзасидан ўтказилган танлаш савдоларида, харид комиссияси томонидан баҳолаш мезонларига риоя этилмаганлиги рақобат ва холислик тамойиллари бузилганлиги;

танлаш ҳужжатларида рақобатни чеклашга олиб келадиган талаблар қўйилганлиги;

буюртмачи томонидан танлаш шартларида ҳеч қандай баҳолаш мезонларига амал қилинмаганлиги;

буюртмачи томонидан танлаш савдолари қонун талабларига мувофиқ ўтказмаганлиги сабабли мазкур давлат харидини бекор қилиш сўралган.

Маълумот учун: Комиссия ишчи органи томонидан 02.06.2023 йилда Балиқчи тумани Мактабгача ва мактаб таълими бўлими Жиззах вилоят кузи ожизлар кутубхонасига мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат хати йўлланган ва жавоб хати олинган.

Ушбу жавоб хатида:

Танловда катнашиш учун жами учта ташкилотдан таклифлар келиб тушганилиги;

Тендер ҳужжатларининг биринчи шarti бўйича ташкилотнинг айланма маблағлари ҳақида хизмат кўрсатувчи банк маълумотномаси сўралганлиги лекин “AZBOA-UZ” МЧЖ ҳеч қандай маълумот тақдим қилмаганлиги;

Мурожаатчи тендер ҳужжатларида талаб қилинган ҳужжатлар ўрнига тендер ноқонуний ўтказилгани тўғрисидаги хат тақдим қилгани;

Ушбу танлаш савдосида “Navro‘z everest plus” МЧЖ ғолиб деб топилганлиги;

буюртмачини обрўсизлантириш мақсадида мурожаатчи томонидан ёлғон маълумотлар берилганлиги;

келгусида буюртмачиларга сифатли маҳсулотларни етказиб бериш мақсадида мурожаатчини инсофсиз ижрочилар реестрига киритилишини;

ушбу танлаш савдоси “Давлат хариди тўғрисида”ги қонунчилик талабларига мувофиқ ўтказилганлиги ва бошқа важлар маълум қилинган.

Йиғилиш давомида таклиф этилганлар томонларнинг вакиллари билдирилган фикр ва мулоҳазалари Комиссия аъзолари томонидан тингланди.

Мурожаатчининг навбатдаги 2023 йил 10 майдаги 57325-с/23-сон, 2023 йил 25 майдаги 63985-с/23-сон ва 2023 йил 27 майдаги 64823-с/23-сонли мурожаатларида келтирилган важлар Комиссия аъзоларига таништирилди.

Унга кўра:

Сурхондарё вилояти болалар кутубхонаси (кейинги ўринларда - Буюртмачи) буюртмачилигида 2023 йил 1 майдаги 254761-рақамли ҳамда такроран 2023 йил 16 майдаги 259915-рақамли лот билан “Китоблар сотиб олиш” юзасидан ўтказилган энг яхши таклифларни танлаш (кейинги ўринларда-танлаш) савдоси жараёнида харид комиссияси томонидан мурожаатчига асоссиз равишда паст балл қўйилганлигини баён этган.

Давлат харидлари электрон тизимидан олинган маълумотлар асосида ушбу танлаш савдолари ўрганилганда қуйидагилар маълум бўлди:

Ўзбекистон Республикасининг “Давлат харидлари тўғрисида”ги Қонунининг (кейинги ўринларда-Қонун) 32-моддасида баҳолаш мезонларига ва тартиб-таомилларига тааллуқли қоидалар белгиланган бўлиб унга кўра давлат буюртмачиси томонидан белгиланадиган давлат хариди шартларида **иштирокчиларнинг таклифларини баҳолаш мезонлари, уларнинг нисбий қиймати, баҳолаш тартиб-таомиллари доирасида баҳолаш мезонларини қўллаш тартиби** бўлиши кераклиги белгиланган.

Мазкур танлаш савдоларида буюртмачи томонидан харид хужжатлари Ўзбекистон Республикасининг “Давлат харидлари тўғрисида”ги Қонуни талаблари асосида тайёрланмаганлиги, бунинг натижасида харид комиссияси томонидан иштирокчиларнинг таклифларини баҳолашда ягона ёндашувларга асосланмаганлиги ҳамда таклифларни баҳолаш мезонлари кўрсатилмаганлиги маълум бўлди.

Танлаш савдоларида 1-мезонга корхонанинг гувоҳномасини тақдим этиш талаби киритилган (энг юқори балл этиб-20 балл белгиланган). Мазкур талаб бўйича иштирок этган иштирокчилар турлича баҳоланган (“Azboa-uz” МЧЖ-16-балл, «Star Trader» МЧЖ-20 балл, “Собир Салоҳиддин Термиз” МЧЖ 18-балл, “Ўздавкитобсавдотаминоти” МЧЖ 17-балл, ва “Trader”МЧЖ-15-балл).

Танлаш савдолари якунларига кўра **“Star trader” МЧЖ 98,0** млн сўм таклифи билан савдо ғолиби деб топилган. (100 балл жамғарган. Шундан техник қисмига 70 балл, нарх қисмига 30-балл).

Дастлаб буюртмачи томонидан 254761-лот рақами билан ўтказилган давлат хариди, иштирокчиларидан эътирозлар келиб тушганлиги сабабли бекор қилинган ва такроран танлаш савдолари эълон қилинган.

Ушбу давлат хариди юзасидан 259915-лот рақами билан такроран ўтказилган танлаш савдолари ўрганилганда қуйидагилар маълум бўлди:

Танлаш савдоларида 1-мезонга инсофсиз ижрочиларининг ягона реэстрига киритилмаганлиги тўғрисида кафолат хати тақдим қилиш талаби киритилган (энг юқори балл этиб-20 балл белгиланган).

Инсофсиз ижрочиларининг ягона реэстрига киритилганлиги тўғрисидаги маълумотларни олишда махсус ахборот портали орқали барча учун эркин ва бепул фойдаланиш имкониятини таъминлаган бўлсада, мазкур талаб бўйича иштирок этган иштирокчилар турлича баҳоланган («Azboa-uz» МЧЖ-20-балл, “Star Trader” МЧЖ-20 балл, “Benefit Service” ХК 15-балл, “Термиз чавандози махсус таъминот” МЧЖ 10-балл, ва “Термиз сифат тайёрлов савдо” МЧЖ-15-балл).

Мазкур 259915-лот рақами билан такроран ўтказилган танлаш савдолари якунида ҳам **“Star trader” МЧЖ 98** балл билан савдо ғолиби деб топилган.

Қўшимча равишда мурожаатчига мазкур давлат харидининг “Давлат харидлари тўғрисида”ги қонунчилик хужжатларида белгиланган талабларга мувофиқлиги юзасидан молиявий назоратни амалга ошиш мақсадида тўпланган хужжатлар Давлат молиявий назорати инспекциясига юборилганлиги маълум қилинди.

Йиғилиш давомида Комиссия аъзоларига ва йиғилиш иштирокчиларига мурожаатда келтирилган барча важлар ва ўрганиш натижалари ўқиб эшиттирилди.

Юқоридаги масалаларни кўриб чиқиб, Комиссия қарор қилади:

1. 1-масала юзасидан.

Бувайда туман 2-сон касб-хунар мактаб томонидан 23110012262864 лот рақами билан ўтказилган энг яхши таклифларни танлаш савдоси юзасидан қабул қилинган қарори **бекор қилинсин**.

Тарафларга Давлат харидлари соҳасидаги шикоятларни кўриб чиқиш бўйича комиссиянинг қароридан норози бўлган тақдирда қонунчиликда белгиланган тартибда судга мурожаат қилиш ҳуқуқига эга эканлиги тушунтирилсин.

2. 2-масала юзасидан.

Балиқчи тумани Мактабгача ва мактаб таълими бўлими томонидан 23110012260719 лот рақами билан ўтказилган энг яхши таклифни танлаш савдолари юзасидан қабул қилинган давлат буюртмачисининг қарори **бекор қилинсин**.

Тарафларга Давлат харидлари соҳасидаги шикоятларни кўриб чиқиш бўйича комиссиянинг қароридан норози бўлган тақдирда қонунчиликда белгиланган тартибда судга мурожаат қилиш ҳуқуқига эга эканлиги тушунтирилсин.

3. 3-масала юзасидан.

Давлат буюртмачилари Жиззах вилоят кўзи ожизлар кутубхонаси ҳамда Сурхондарё вилояти болалар кутубхонасининг вакиллариغا Ўзбекистон Республикаси “Давлат харидлари тўғрисида”ги Қонунининг 81-моддасига мувофиқ, давлат харидлари тўғрисидаги қонунчиликни бузганликда айбдор шахслар белгиланган тартибда жавобгар бўлиши тушунтирилсин.

Мурожаатчига мазкур давлат хариди бўйича шартномалар ижро қилиб бўлинганлиги сабабли, буюртмачининг мазкур давлат харидларида қабул қилган қарорлари юзасидан суд тартибида шикоят қилиш ҳуқуқи тушунтирилсин.

4. Ушбу қарор нусхаси икки иш куни мобайнида тарафларга юборилиши таъминлансин. Қарор ҳақидаги ахборот махсус ахборот порталига жойлаштирилсин.